

KEMPEN MENANGI DUIT BELANJA SETAHUN!**TERMA DAN SYARAT****A) SYARAT KELAYAKAN PENYERTAAN**

- 1) Kempen ini terbuka kepada semua pemegang Kad Kredit-i Muslimah Bank Rakyat yang baharu dan sedia ada termasuk warga kerja Bank Rakyat.
- 2) Dengan mengambil bahagian dalam kempen ini, pemegang kad bersetuju: -
 - i. Kelayakan untuk menyertai kempen ini adalah tertakluk pada terma dan syarat Kad Kredit-i Bank Rakyat, terma dan syarat yang terkandung di sini serta terma lain yang ditetapkan oleh Bank Rakyat dari masa ke masa.
 - ii. Pemegang kad telah membaca, memahami dan dengan ini secara nyata bersetuju untuk mematuhi terma dan syarat ini.

B) TEMPOH KEMPEN

- 1) Tempoh kempen ini adalah dari **8 Mac hingga 31 Mei 2025**.
- 2) Bank Rakyat berhak menukar atau meminda tempoh kempen sekiranya perlu.

C) MEKANISME DAN HADIAH KEMPEN

- 1) Pemegang kad perlu melakukan transaksi pembelian runcit (patuh Syariah) tanpa sentuh, menggunakan PIN, atau secara dalam talian untuk melayakkan penyertaan serta berpeluang memenangi hadiah seperti dalam jadual di bawah:

Kategori	Transaksi	Hadiah
Hadiah Utama	Jumlah minimum terkumpul RM5,000 dalam tempoh kempen	RM60,000 (RM5,000 x 12 bulan x 1 pemenang)
Hadiah Pertama	Jumlah minimum terkumpul RM3,000 dalam tempoh kempen	RM18,000 (RM3,000 x 6 bulan x 1 pemenang)
Hadiah Sagu Hati	Jumlah minimum terkumpul RM3,000 dalam tempoh kempen	RM1,000 x 20 pemenang

- 2) Untuk mendapatkan entri tambahan, pemegang kad perlu berbelanja di kategori *Merchant Category Code* (MCC) berikut:

8398 / 5552 / 8211 / 8220	2 entri
8398 + 5552 + 8211 / 8220	5 entri

MCC	Catatan
8398	Organisasi, Kebajikan dan Perkhidmatan Sosial
5552	Pengecasan Kenderaan Elektrik
8211 / 8220	(Sekolah Rendah dan Menengah) serta (Kolej, Universiti, Sekolah Profesional dan Kolej Komuniti)

- 3) Hadiah wang tunai bagi semua kategori akan dikreditkan ke Akaun Pelaburan-i Rizq Plus Bank Rakyat milik pemenang.

Nota: Sekiranya pemenang tidak mempunyai Akaun Pelaburan-i Rizq Plus, Bank Rakyat akan mengeluarkan surat rasmi kepada pemenang untuk dibawa ke cawangan pilihan bagi proses pembukaan akaun tersebut.

D) PEMILIHAN PEMENANG

- 1) Pemilihan pemenang akan ditentukan secara rawak melalui sistem pengundian berkomputer yang dipantau dan dimuktamadkan oleh jawatankuasa khas yang dilantik oleh Bank Rakyat.
- 2) Pemenang akan dihubungi oleh Bank Rakyat melalui panggilan telefon atau kaedah lain yang bersesuaian berdasarkan maklumat yang terdapat dalam rekod Bank.
- 3) Bank Rakyat akan mengeluarkan surat rasmi kepada pemenang yang belum mempunyai Akaun Pelaburan-i Rizq Plus untuk dibawa ke cawangan pilihan bagi proses pembukaan akaun tersebut.
- 4) Bank Rakyat boleh memilih pemenang yang layak daripada senarai menunggu atau simpanan sekiranya pemenang akhir yang telah dipilih tidak dapat dihubungi, enggan menerima hadiah dan lain-lain alasan munasabah yang membolehkan Bank Rakyat memilih pemenang lain daripada senarai menunggu atau simpanan.
- 5) Sekiranya pemenang hadiah yang dipilih menerusi kempen ini meninggal dunia, Bank Rakyat boleh menarik balik kelayakan penyertaan dan melucutkan hadiah yang ditawarkan. Bank Rakyat mempunyai hak untuk menggantikannya dengan memilih pemenang yang layak daripada senarai menunggu atau simpanan (mengikut mana yang berkenaan).

- 6) Pemilihan pemenang adalah muktamad dan semua bentuk rayuan tidak akan dilayan.
- 7) Warga kerja Bank Rakyat hanya layak menerima hadiah sagu hati sahaja bagi kempen ini.

E) TERMA DAN SYARAT AM

- 1) Dengan menyertai kempen ini, pemegang kad bersetuju dan membenarkan data peribadi mereka dikumpulkan, diproses dan digunakan oleh Bank Rakyat mengikut Notis Privasi Bank Rakyat, yang boleh dilihat di www.bankrakyat.com.my.
- 2) Dengan menyertai kempen ini, pemegang kad dianggap telah membaca, memahami dan bersetuju untuk terikat dengan terma dan syarat rasmi yang terkandung di sini, termasuk keputusan yang dibuat oleh Bank Rakyat yang dianggap muktamad.
- 3) Dengan menyertai kempen ini, pemegang kad bersetuju untuk membenarkan Bank Rakyat, anak syarikat, pemegang lesen, pengarah, pegawai, ejen, kontraktor bebas dan agensi pengiklanan menggunakan nama pemegang kad dan butiran peribadi (jika diperlukan) untuk tujuan komunikasi, promosi, secara keseluruhan, dalam mana-mana dan semua media untuk keluaran segera atau yang telah dirancang, tanpa bayaran tambahan, melainkan jika dilarang oleh undang-undang.
- 4) Melainkan diperuntukkan secara khusus atau sebaliknya, Bank Rakyat boleh meminda, membatalkan atau menambah terma dan syarat ini dari semasa ke semasa dengan memberi notis terlebih dahulu di laman sesawang Bank Rakyat atau melalui medium komunikasi yang bersesuaian. Sebarang pindaan, pembatalan atau penambahan berkuat kuasa selepas notis dikeluarkan. Pemegang kad adalah dianggap bersetuju untuk terikat dengan sebarang pindaan tersebut.
- 5) Bank Rakyat mempunyai hak eksklusif untuk mencetak atau menyiarkan nama dan gambar pemegang kad untuk tujuan promosi dalam akhbar, majalah, laman sesawang korporat Bank Rakyat atau mana-mana saluran media yang bersesuaian.
- 6) Bank Rakyat boleh menolak dan/atau mengeluarkan sebarang penyertaan yang tidak tepat, tidak lengkap, mencurigakan, manipulasi dan tidak sah serta tidak memenuhi syarat seperti yang dinyatakan dalam terma dan syarat.
- 7) **PENAFIAN: TERTAKLUK PADA APA YANG DIBENARKAN OLEH UNDANG-UNDANG, BANK RAKYAT DAN ANAK SYARIKATNYA TIDAK AKAN BERTANGGUNGJAWAB KEPADA PEMEGANG KAD ATAU MANA-MANA PIHAK KETIGA (KECUALI UNTUK LIABILITI YANG TIMBUL**

DARIPADA KECUAIAN MELAMPAU, SALAH LAKU, SENGAJA, FRAUD ATAU KEINGKARAN SENGAJA BANK RAKYAT) UNTUK KEROSAKAN LANGSUNG, TIDAK LANGSUNG, KHAS, SAMPINGAN, GANTI RUGI TAULADAN ATAU AKIBAT KEROSAKAN (TERMASUK KEHILANGAN PENGGUNAAN, DATA, PERNIAGAAN ATAU KEUNTUNGAN) YANG TIMBUL DARIPADA ATAU BERKAITAN DENGAN PENYERTAAN DALAM KEMPEN INI, SAMA ADA LIABILITI TERSEBUT BERLAKU BERPUNCA DARIPADA APA-APA TUNTUTAN BERASASKAN KEPADA KONTRAK, JAMINAN, TORT (TERMASUK KECUAIAN), LIABILITI KETAT ATAU SEBALIKNYA, DAN SAMA ADA PEMEGANG KAD TELAH DINASIHATKAN ATAU TIDAK KEMUNGKINAN KERUGIAN ATAU KEROSAKAN BOLEH BERLAKU.

- 8) Bank Rakyat tidak akan bertanggungjawab terhadap sebarang kemungkinan yang disebabkan oleh bencana alam, peperangan, rusuhan, perintah berkurung, kebakaran, banjir, kemarau, ribut, epidemik, pandemik, kegagalan sistem atau sebarang situasi di luar kawalan Bank Rakyat.
- 9) Terma dan syarat ini tertakluk dan ditafsirkan mengikut undang-undang Malaysia.
- 10) Untuk maklumat dan pertanyaan lanjut, sila hubungi Pusat Panggilan Bank Rakyat di talian 1-300-80-5454; atau hubungi Pusat Kad Bank Rakyat di talian 03-26936880; atau kunjungi mana-mana cawangan Bank Rakyat; atau layari laman sesawang Bank Rakyat di www.bankrakyat.com.my.